

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में कुनाल श्रीवत्स।

### Headlines

1. प्रधानमंत्री नरेन्द्र मोदी होर अज्ज अंगोला दे राष्ट्रपति हुंदे कन्नै शिष्टमंडल सतह दी गल्लबात करगंन।
2. जम्मू कश्मीर च पाकिस्तान दी तरफा नियंत्रण रेखा पर बिजन उकसावे दे गोलीबारी दा पूरी तगड़ेयाई कन्नै बनकदा परता दित्ता जा'रदा ऐ।
3. जम्मू कश्मीर सरकारै मिशन युवा तैहत नमें उद्यमिणं गी बढ़ावा देने लेई लौहके बपार विकास इकाइएँ ते बपार हेल्प डेस्क दी शुरुआत कीती जाग।
4. जम्मू कश्मीर च भिड्डें दी आस्ट्रेलियाई नस्ल टेक्सेल गी आंदा गेआ ऐ। मंत्री जावेद अहमद डार होरें इसी इक महत्वपूर्ण गैह करार दित्ता।
5. जम्मू श्रीनगर राष्ट्रीय जरनैली शिडके पर हौलिणं गडिडणं दी दऊ तरफा आओजाई जारी।

<><><><><><>

### PM Talks

प्रधानमंत्री नरेन्द्र मोदी होर अज्ज नमीं दिल्ली च अंगोला दे राष्ट्रपति जुआओ मेनुअल गोजाल्विस लोरेंसियो हुंदे कन्नै प्रतिनिधिमंडल स्तर दी वार्ता करगंन। बक्ख-बक्ख खेत्तरें च दपक्खा सैहयागे बघाने दी गल्लबात दे बाद दौनें दे बश्कार केई समझौतें पर दस्तखत होने दी मेद ऐ। अंगोला दे राष्ट्रपति भारत दी त्रै दिनें दी यात्रा पर कल नमीं दिल्ली पुज्जे हे। राष्ट्रपति लोरेंसियो हुंदा अज्ज राष्ट्रपति भवन दे प्रांगण च औपचारिक सुआगत कीता गेआ। ओह राष्ट्रपति द्रौपदी मुर्मू हुंदे कन्नै गल्लबात करगंन। राष्ट्रपति मुर्मू हुंदे सम्मान च अज्ज रातीं विशेष धाम दा आयोजन करगंन।

<><><><><><>

### Waves Community Radio(Music)

मुंबई च चलै करदे वर्ल्ड आडियो विजुअल एंड एंटरटेनमेंट समिट वेक्स 2025 दे त्रीए ध्याड़े अज्ज समुदायिक रेडियो पर राष्ट्रीय सम्मेलन दा सरिस्ता कीता जाग। जेहूदे च नमें रुझाने, तौर तरीके, नीतिणं ते कार्यक्रमें बारे बचार बंटादरा कीता जाग। एहदा मकसद समुदायिक रेडिया राणं लोकें गी जागरूक ते सशक्त बनाना ते मकामी समुदाय कन्नै मते बेहतर ते असरदार ढंगै सिर जुड़ने दी छमता च बाद्धा करना ऐ। एह समुदायिक रेडियो स्टेशनं गी इक दुए कन्नै जुड़ने, सिक्खने ते बेहतर तौर तरीकें ते परम्पराणं गी सांझा करने लेई इक मंच प्रदान करोग। एहदा आयोजन सूचना ते प्रसारण मंत्रालय आस्सेआ भारतीय जनसंचार संस्थान दे सैहयोग कन्नै कीता जा'रदा ऐ।

<><><><><><>

### Add Waves

सूचना ते प्रसारण राज्य मंत्री एल.मुरुगन होर अज्ज वेक्स शिखर सम्मेलन च अपनी किस्मै दा पैहला पैहला श्वेत पत्र जारी करगंन जिसी विषय दित्ता गेदा ऐ " इंडिया'ज लाइव इवेंट्स इकोनोमी, ए स्ट्रेटेजिक ग्रोथ इम्पेरेटिव"। एह श्वेत पत्र भारत दे तेजिया कन्नै फैला करदे

लाइव मनोरंजन उद्योग दा व्यापक जायजा पेश करने दे कननो कन्नी नमें रूझाने, सामरिक सफारशें विकास दी रफतार ते सभावनाएं दे बारे च तफसीली चर्चा कीती जाग।

<><><><><><>

LoC Firing

भारती सेना नै कल रातीं कब्ला रेखा पर पाकिस्तानी सेना आस्सेआ कीती गेदी गोलीबारी दा असरदार तरीके कन्नै परता दित्ता। रक्षा सूत्रें दस्सेआ जे पाकिस्तानी सेना नै केन्द्र शासत जम्मू कश्मीर दे कुपवाड़ा, उड़ी ते अखनूर इलाकें च कब्ला रेखा पर बिजन कुसै उकसावे दे लौहके थेआरें कन्नै गोलीबारी कीती जेहदा भारती सेना नै बनकदा परता दित्ता।

<><><><><><>

JK Govt. Yuva

जम्मू कश्मीर सरकार नै मिशन युवा दे तैह्त जिला स्तर पर लौहके बपार विकास इकाइएं ते उप-मंडल स्तर पर बपार हेल्प डेस्क दी स्थापना गी मंजूरी देई दित्ती ऐ। इनें पैहलें दा उद्देश्य पूरे केन्द्र शासत प्रदेश च युवा उद्यमिणें दा समर्थन ते मार्गदर्शन करना ऐ। बपार विकास इकाइयां ते बपार हेल्प डेस्क उपयोगिता कन्नै सरबंधत मदद, सलाह मशवरा ते सरकारी योजनाएं तगर सखल्ली पुज्ज प्रदान करियै मिशन युवा दे सुचारू कार्यान्वयन गी सुविधा जनक बनांगन। इस गैह् कन्नै नोजवान उद्यमशीलता गी बढ़ावा मिलने ते पूरे जम्मू कश्मीर च जमीनी सतह पर आर्थिक विकास गी बाद्धा मिलने दी मेद ऐ।

<><><><><><>

Rana Poonch

जनजातीय सरबंधी मंत्री जावेद अहमद राणा होरें पुंछ जिले दे मेंढर आले सरकारी हाया सकेँडरी स्कूल च जारी ढांचागत निर्माण ते दर्जा बधाने सरबंधी कम्में दा निरीक्षण कीता। उनें उत्थें चले दे मरम्मत, नमियां सुविधा जोड़ने ते मजूदा ढांचागत सुविधाएं च बेह्तरी आहन्नने दे कम्में गी दिक्खेआ जेहदे नै स्कूलें च पढ़ाई लेई बेहतर म्हाँल ते प्रबंध उपलब्ध होई सकगंन। मंत्री होरें उत्थें नमिणें तकनीकें दे इस्तेमाल आलिणें क्लासें दा बी निरीक्षण कीता जिंदे नै पढ़ाई गर होर मता बेहतर ते असरदार बनाया जाई सकोग। दौरे दरान मंत्री होरें पमें विषय शामिल करने पर बी जोर दित्ता तां जे विद्यार्थिणें गी बक्ख-बक्ख क्षेत्रें च अगड़े बघने दे मौके हासल होई सकन।

<><><><><><>

ते हुन बाकि दिणें खबरें कन्नै कुनाल श्रीवत्स।

<><><><><><>

Dar Sheep

राई-बाई मैह्कमे दे मंत्री जावेद अहमद डार होरें आस्ट्रेलिया थमां आयात कीती गेदी टेक्सेल भिड्ड नस्ल दा निरीक्षण करने आस्तै खिम्बर च भिड्ड प्रजनन फर्म दा दौरा कीता। उनें इस नस्ल गी जम्मू कश्मीर दे पशुघन खेत्तर आस्तै इक बड्डा बदलाव दस्सेआ, जेहदे च उत्पादकता ते करसानें दी आमदन बधाने दा समर्थ ऐ। समग्र राई-बाई विकास कार्यक्रम दे तैह्त तकरीबन 450 टेक्सल भिड्डें गी फार्म च रखेआ गेआ ऐ। मंत्री होरें अधिकारिणें गी विज्ञानक पालन प्रथाएं पर करसानें आस्तै जागरुकता शिविर आयोजित करने दा निर्देश दित्ता। इस पैहल दा उद्देश्य केन्द्र शासत प्रदेश दी मटन दी मंग गी पूरा करना ते स्थानी भिड्ड नस्लें गी उन्नत करना ऐ।

<><><><><><>

## DC-Poonch

पुंछ दे जिला विकास कमीशनर विकास कुंडल ते एसएसपी शफकत हुसैन होरें कल मकामी लोकें दिएं दिक्कतें शकैतें, विकास सरबंधी मुद्दें गी समझियै उंदा नबेड़ा करने दे मकसद कन्नै उत्थुं दे मुआजिज शैहरिं ते धार्मिक लीडरें कन्नै इक बैठक लाई। जेह्दे च जिले दे पूरे पराते विकास दे बारे च चर्चा करने दे कन्नो कन्नी लोकें दियां प्रतिक्रियां ते सुझाह बी हासल कीते गे।

<><><><><><>

## JKAACL

जम्मू ते कश्मीर कला, संस्कृति ते भाषाएं दी अकैडमी आस्सेआ जम्मू दे अभिनव थेटर च भगवान शिव जी गी समर्पित इक सांस्कृतिक कार्यक्रम “कला दर्पण 2025” दा सरिस्ता कीता गेआ। भविष्य अकैडमी ते इंस्टीच्यूट ऑफ कलास्किल डांस दे सैह्योग कन्नै आयोजत इस कार्यक्रम च युवा कलाकारें आस्सेआ कथक नृत्य पेश कीते गे। विधायक जम्मू(पूर्व) युद्धवीर सेठी इस मौके पर मुख परौहने हे, जदके आयुक्त यचिव शीतल नंदा होर मानयोग परौहने दे रूपै च कार्यक्रम दी सराहना कीती ते शास्त्री कला शैली गी बढ़ावा देने आस्तै समें-समें पर सांस्कृतिक कार्यक्रम कराने दी लोड़ पर जोर दिक्ता।

<><><><><><>

## Traffic(byte)

लुन जानकारी जम्मू श्रीनगर राष्ट्रीय जरनैली शिड़क दे बारे च। जरनैली शिड़क पर पस्सिएं कारण किट्ठा होए दा मलबा हटाई लैने दे बाद अज्ज हौलिएं गड़िडएं जिंदे च प्राइवेट ते यात्री गड़िडयां बी शामिल न, गी दौनें बक्खी दा जाने दी इजाजत दिक्ती जा'रदी ऐ। उआं भारी गड़िडएं जियां ट्रक-टैंकर ते समेयान ढोने आलियां होर दुइयां गड़िडयां शामिल न, उनेंगी शिड़कै दी स्थिति दा पूरी चाल्ली निरीक्षण करी लैने दे बाद गै काजीगुंड थमां जम्मू आली बक्खी जाने दी इजाजत होग। इक रिपोर्ट.....बाईट

<><><><><><>

Read:- Jagmohan Sharma & Kunal Shrivatsa

D.E.O. : Mukesh Gupta

Editor : Abhilasha Sharma

Skilled : Rajat